

1. **MINISTARSTVO ZA BORAČKA PITANJA ZENIČKO- DOBOJSKOG KANTONA**, koga zastupa Ministar Fahrudin Čolaković (u daljem tekstu- ugovorni organ) i
2. **JZU „AQUATERM“ Olovo**, koga zastupa direktor Senad Selimović (u daljem tekstu- dobavljač), zaključili su u Zenici, dana 09.12.2017. godine,

UGOVOR
o sukcesivnom pružanju usluga medicinske rehabilitacije za LOT 1.

I

Predmet ugovora je sukcesivno pružanje medicinskih i ostalih usluga banjškog liječenja u objektima dobavljača i to:

- Ishrana na bazi punog pansiona po b/o danu (tri obroka dnevno),
- Smještaj u 1/3 i 1/2 sobama po b/o danu,
- Medicinske usluge – terapije koje odredi ljekarska komisija, odnosno ljekar na prijemu korisnika.

Ugovorni organ će, u skladu sa Zakonom o dopunskim pravima branilaca i članova njihovih porodica („Sl. novine Zeničko- dobojskog kantona broj: 1/14) i Uredbom o medicinskoj rehabilitaciji branilaca i članova njihovih porodica u banjško- klimatskim lječilištima („Sl. novine Zeničko- dobojskog kantona broj: 4/14) u daljem tekstu Uredba, upućivati pripadnike boračke populacije na medicinsku rehabilitaciju, pod uslovom da za takvo liječenje ne postoje kontraindikacije i da bi isto moglo povoljno uticati na liječenje postojećeg oboljenja.

LOT 1.

Ljekarska komisija Ministarstva će sa aspekta obrade predmeta i potreba korisnika upućivati dobavljaču prvenstveno korisnike sa sljedećim oboljenjima:

- Artritis i reumatska oboljenja;
- Spondilosis;
- Rehabilitacija amputiraca;
- Oštećenje nervnog sistema kao posljedica ranjavanja;
- Rehabilitacija osoba starije dobi;
- Kožna oboljenja.

II

Dobavljač se obavezuje da će za potrebe korisnika usluga obezbjediti usluge na bazi BO dana, neograničenog broja tretmana, a na osnovu nalaza koje odredi ljekarska komisija.

Ugovorni organ će sukcesivno slati korisnike na medicinsku rehabilitaciju, odnosno isti će ovisiti o broju zaprimljenih predmeta i ocjeni ljekarske komisije.

III

Ugovorni organ se obavezuje da planira, rezerviše i šalje pripadnike boračke populacije u objekte dobavljača u skladu sa odredbama Uredbe.

IV

Planirana ukupna vrijednost ugovora za LOT 1 bez uračunatog PDV-a je do iznosa 442.500,00 KM i to:

- za 2018. godinu- 147.500,00 KM

- za 2019. godinu- 147.500,00 KM
- za 2020. godinu- 147.500,00 KM.

Ministarstvo za boračka pitanja ZE-DO Kantona zadržava pravo da ukupnu vrijednost ugovora umanji u slučaju nedovoljnog priliva sredstava u Budžetu Zeničko- dobojskog Kantona ili nekih drugih objektivnih razloga.

V

Svi korisnici će biti upućivani na medicinsku rehabilitaciju uz prateću dokumentaciju koju čine Odluka o upućivanju korisnika na medicinsku rehabilitaciju i uputnica ljekara specijaliste.

VI

Dužina boravka u objektu je 14 (slovima: četrnaest) dana, a u slučaju potrebe, produženje do 28 (slovima: dvadesetosam) dana će se izvršiti na prijedlog ljekara specijaliste u lječilištu.

Prijedlog za produženje dostavlja se najkasnije pet dana prije isteka odobrenog roka medicinske rehabilitacije.

VII

Cijena usluge 1 BO dana (smještaj u dvokrevetnim i trokrevetnim sobama, tri obroka dnevno), pregled ljekara, kompletna fizikalna i medicinska procedura) iznosi **55,00 KM** po jednom b/o danu.

VIII

Plaćanje obaveza utvrđenih ovim Ugovorom vršit će se kontinuirano i u zavisnosti od dinamike priliva budžetskih sredstava.

Uz fakturu dobavljača prilaže se otpusna lista.

IX

Ukoliko iz opravdanih razloga lice kojem je ugovorni organ omogućio banjsko klimatsko liječenje kod dobavljača ne završi omogućeni boravak, davalac usluga je dužan fakturisati samo vrijeme provedeno kod dobavljača.

X


Ovaj ugovor stupa na snagu 01.01.2018.godine i važiće do 31.12. 2020. godine.

XI

Ukoliko eventualne sporove ugovorne strane ne budu mogle riješiti sporazumno, za sve nastale sporove nadležan je sud u Zenici.

XII


Ovaj ugovor je sačinjen u 4 (četiri) primjerka od kojih svaka strana zadržava po 2 (dva) primjerka.

^{2A}
Za dobavljača


DIREKTOR Senad Selimović

Broj: _____

Zenica, 04.12. 2017. godine



Za ugovorni organ

MINISTAR Fahrudin Čolaković

Broj: 13-37-13694-U1/17